

喉科正時

愚溪署



# 喉痧正

嘉定錢元湜

署檢



光緒庚寅  
月齋臧板





醫不通其理不足以言醫通其理而未得其法則亦無術以處此也余家世讀書舉業之餘往往汎濫百家旁及靈素以故多能醫之士余自成童時挂名弟子員籍省闈再薦邀備未售深恐樗材坐廢無補

昇平

年來僑寓滬濱輒假刀圭爲肆應之具猥以譾陋獲信

友朋滬上自戊子春始爛喉疫痧盛行牽連沾染天枉不可勝計雖死生有命載諸聖經毋亦法有所未盡歟經余治者獲全居多同人疑其有秘不知至理自昭天壤苟得其旨亦何必私爲枕中寶哉爰將體驗所存綴



爲一帙付諸剗劂倘芻蕘可采默消疵癘於無形則草  
茅微賤未始非仰體

聖天子仁壽斯民之至意於萬一云時

光緒十有六年歲陽在上章陰在攝提格律中中呂日  
月會於實沈之次吳縣曹心怡叔培父敘於朗齋



北京中醫藥大學圖書館版權所有

例言

一醫之於病如射侯之有正鵠失其鵠率則折鏃墜羽者有之是書以正的名雖無養由穿楊之技或少挽王良詭遇之風乎

一先哲有言醫者意也吾心能領之口不能言之又云治病當活潑潑地如珠走盤如或刻其舟而膠於柱則官禮且或誤蒼生矧區區技術之書哉世果有趙括其人此則非余所敢知已

一著述之家書不盡言言不盡意子輿氏云大匠誨

人能與人規矩不能使人巧余固非哲匠也所望  
海內淹博之儒起而訂之

一醫案之刻所以佐運用之機宜是書辨論已繁無  
庸更贅

一是書甫脫藁卽悉維揚張氏有痧喉正義之刻不  
知與拙論同異若何以道遠未獲一讀爲憾姑識  
之以俟高明選擇焉





喉痧正的目錄

自序一首

例言五條

喉痧源流總論

論因

論證

論脈

論治

驗舌



南京中醫藥大學圖書館版權所有  
1991

申禁

善後

防先

喉痧條治

喉痧備用各方



北京中医药大学图书馆版权所有

喉痧正的

吳 曹心怡侯甫 著

受業鄭伯蕃 康侯 校

喉痧源流總論

古無有所謂爛喉痧者自雍正癸丑以來始有之見於

吾吳葉天士先生醫案中

金刻痲痧輯要採此案考葉氏行世諸書中俱無之想佚

存本

以解肌散表立法可稱千古隻眼而用藥則不詳

嗣是以來散見於諸家雜刻中者類多風影之談惟虞

山陳靜岩疫痧草及玉峯顧氏痧喉經驗闡解二書最



南京中醫藥大學圖書館版權所有



爲近是

二書俱採入西溪外史所輯衛生鴻寶中

陳氏以疫名痧以有疫無

疫辨痧喉之輕重所論頗屬精當惜其開手各方仍固

於辛涼解肌之成法以致近時採用者往往不驗至顧

氏之書論證亦頗透切而立方終屬鮮效執友元和金

保三先生據顧氏本而增刪之易其名曰爛喉痧輯

要

金氏得此書於冷攤上序謂不著撰人姓名氏其實卽玉峯顧氏書名則無考

所增皆咽喉

通治之法於痧痧初無干涉卷尾摺摭各藥亦俱非紀

律之師無怪乎覽之者之茫無涯涘也余自幼習聞諸

先正緒論年來買藥滬濱同人謬以此事相推不揣譾

陋爰將因證脈治及歷驗各方條列于左以備參考焉

論因

治病必先其所因喉痧之因都由溫厲之毒吸入肺胃  
又遇暴寒折鬱內伏腸胃募原復觸時令之毒風而發  
其發也蘊蒸之毒瀰漫三焦幸而獲治則毒散而氣化  
不致牽連傳染不幸失治則毒聚成疫觸之卽病以次  
遞傳甚至累年不已如近日滬上情形自戊子以來三  
載未之或息也陳氏之所謂疫者信矣然尙有三因焉  
一因起居富厚之家冬雖溫而必重其裘甚則熾火圍



爐焉蠢愚之輩夏雖涼而不蔽其體甚則風餐露宿焉  
而房室竭其精嗜欲損其形者更難免矣一因飲食麤  
藥炙燂熏灼臟腑瓜果生冷冰伏脾胃而餌金石以爲  
衛生藉參茸以資服食者更宜審矣其一則因街衢之  
穢雜水漿之汙濁耳駢肩摩轂汗霧交流溲并浹河濁  
潦橫漬口鼻之所吸受腸胃之所浸淫貽害可勝言哉  
然此三者凡疫皆然亦凡病皆然正不獨喉痧一證耳

### 論證

喉痧由厲毒內伏其未發之先必五內煩躁手掌心熱



漸漸咽痛憎寒發熱胃悶口渴有痧者熱勢必壯用大

紅紙

梅紅洋紅火暗無光不適用

裏細草紙撚成紙卷兩莖蘸菜油

或豆油燃着醫者以右手拈紙卷復以左手掌逼住火

光照看頭面頤項見有痧點隱隱及週身膚腠通紅者

無論咽喉紅與不紅腫與不腫腐與不腐但覺咽痛或

先曾痛過發熱後反不甚覺痛者

此是初痛時誤進寒涼抑遏之故尤當急

達

均屬疫痧急宜按照後開各方暢爲透達既透方清

層次不可攙越轉捩不可呆鈍蓋從來風火之重變幻

之速無有過於此證者一落呆相便多貽誤亦有偶然

感觸內本無邪僅見咽痛寒熱熱不甚壯膚腠不紅胃  
悶口渴亦微者但須乘其初起之時按照後方急與疎  
解不至發痧熱退痛定亦就痊矣至于失治邪陷則有  
腮腫項腫頰車不開唇口緊小支體膚黑欲蛻舌絳喉  
腐痧點半隱不透馴至神昏譫語氣喘腹瀉鼻煽鼻煤  
音啞瘳厥不可爲矣

喉痧發於肺胃初起憎寒發熱爲肺邪欲洩之象所以  
必現咽喉腫痛者咽喉爲肺胃道路顧氏爲熱淫浮越  
者是也其瑣碎小粒者爲痧痧者沙也紅暈如塵沙而

起屬肺其成片如雲頭突起者爲疳疔者丹也或隱在皮膚之間多起於手足身背之上昔人謂屬脾以脾主肌肉故也余則以爲此正胃腑之熱淫外越耳蓋陽明亦主肌肉也有一見卽化者有痧透後始化者其如疔瘡塊者發則多癢而麻木此係其人肝熱而兼濕痰藥宜稍佐洩肝化痰滲濕之品至於失治邪陷初陷則在少陽陽明耳前後腫陷之深則頰車不開唇緊膚黑陽明風毒極盛也其舌苔黃者猶在氣分至舌絳則直逼營分矣營分受邪逼近包絡再陷則神昏譫語毒焰益



烈惡候並見不轉瞬而風火交煽痙厥立至鼻煽音啞  
肺陰告絕頃刻云亡矣其氣喘腹瀉鼻煤之證微者可  
治甚者不可治當於後開各方中求之

### 論脈

喉痧之脈初起浮之濡瀦按之沈滑此伏氣在內腠裏  
怫鬱之象也或左兼絃緊者風勝故也右反沈者邪遏  
氣道也右寸伏者誤進寒涼喉已腐而肺氣不布也左  
寸亦伏者邪陷已深上焦氣道欲閉也左關獨弦者陰  
氣先傷邪氣乘虛而犯肝膽也男子奪精婦人經水適

